

NOTE INFORMATIVE

Tiranë, më 1.12.2022

Mbi kërkesën e Inspektorit të Lartë të Drejtësisë për procedim disiplinor me masën “Pezullim nga detyra për 2 vjet” ndaj gjyqtarit S.U.

Inspektori i Lartë i Drejtësisë ka përfunduar hetimin disiplinor ndaj magjistratit S.U., për shkelje disiplinore në ushtrimin e detyrës si gjyqtar në Gjykatën e Rrethit Gjyqësor Tropojë, bazuar në ankesën e Drejtorit të Përgjithshëm të Burgjeve dhe Ministrisë së Drejtësisë, si dhe për shkelje disiplinore në ushtrimin e detyrës, bazuar në ankesën e Prokurorit të Përgjithshëm, kur S.U., ushtronte detyrën si gjyqtar në Gjykatën e Rrethit Gjyqësor Kukës. Nga hetimi disiplinor i kryer nga Inspektori i Lartë i Drejtësisë, provohen:

- Veprime dhe sjellje të magjistratit që kanë sjellë përfitime të padrejta për palët në një proces gjyqësor (ulje dënimi me 270 ditë për një të dënuar), në kundërshtim me ligjin, e që përbëjnë shkelje disiplinore
- Mosrespektim i rëndë dhe i vazhduar i legjislacionit material dhe procedural penal, i konstatuar nga një gjykatë më e lartë.
- Dhënien vendimi në kundërshtim me ligjin, duke sjellë pasoja për palën në proces, duke kufizuar lirinë e individit dhe vijimin e qëndrimit të tij në kushte izolimi për një periudhë 29 ditë.
- Disponim i gjykatës tej kërimit të palës kërkuese, duke marrë kompetencat e një gjykate më të lartë, asaj të apelit.
- Cenimin e imazhit të sistemit gjyqësor dhe premisat për cenimin e besimit të publikut në sistemin e drejtësisë; ekzistencën e rrezikut të shkaktuar nga shkelja disiplinore pasi sjellja e papërshtatshme nuk shtrihet vetëm tek magjistrati subjekt hetimi disiplinor, por rrezikon të ndiqet si shembull nga magjistratë të tjerë, si dhe krijon terren për sjellje të papërshtatshme dhe në raste të tjera të ngjashme

Në raportin e hetimit vlerësohet se veprimet/mosveprimet e magjistratit S.U., përbëjnë “Shkelje shumë e rëndë disiplinore”, që diskreditojnë pozitën dhe figurën e gjyqtarit gjatë ushtrimit të detyrës. Për pasojë ILD i propozon Këshillit dhënien e masës disiplinore “Pezullim nga detyra për një periudhë deri në 2 vjet”, për magjistratin S.U., e parashikuar nga neni 110 i ligjit nr. 96/2016 “Për statusin e gjyqtarëve dhe të prokurorëve në Republikën e Shqipërisë” i ndryshuar,